

与坡诗集注

卷
十八
十九



東坡先生詩集註卷十八

懷舊

過建昌李野夫公擇故居

彭蠡東北源廬阜西南麓何人修水上

續修水在南康軍建昌縣種

此一雙玉

次公雙玉以言公擇昆仲神仙傳陽伯翁有仙人以白石數升與之令種云當生美玉果

生白壁長二尺者數雙

思之不可見破宅餘修竹四鄰戒莫犯十

畝森似束

次公元稹詩建昌宮中滿宮竹歲久無人森似束

我來仲夏初解籜

呈新綠幽鳥向我鳴野人留我宿裴回不忍去微月掛

喬木遙想他年歸解組巾一幅對牀老兄弟夜雨鳴竹

屋

子仁韋蘇州詩那知風雨夜復此對牀眠劉共父唐房千里竹室記云環堵所棲率用竹以結其四角植

者為杜桴撐者為懷棟

臥聽鄰寺鐘書窗有殘燭

九月二十日微雪懷子由第二首

岐陽九月天微雪

次公岐陽即鳳翔府也

已作蕭條歲暮心短日

送寒砧杵急冷官無事屋廬深

次公杜詩廣文先生官獨冷師公為鳳翔簽判

太守陳公弼命公兼府學教授故用冷官事

愁腸別後能消酒白髮秋來已

上簪

次公杜詩白髮不勝簪

近買貂裘堪出塞

次公貂裘蘇季子之裘也見史記

忽思乘傳問西琛

次公乘傳所以為使也琛寶也詩云憬彼淮夷來獻其琛

江上同舟詩滿篋鄭西分馬涕垂膺未成報國慙書劒

次公昔鄭生攻書學劒兩不成

豈不懷歸畏友朋

續詩豈不懷歸畏此簡書又左傳引逸詩

日豈不欲往畏我友朋

官舍度秋驚歲晚寺樓見雪與誰登遙知

讀易東牕下車馬敲門定不謗

大雪青州道上有懷東武園亭寄交代孔周翰

超然臺上雪城郭山川兩奇絕

次公超然臺在使園之北先生有記云園

因城以爲臺者舊矣稍葺而新之

海風吹動碧琉璃時見三山白銀闕

續三神山在海中其物禽獸盡白而黃金白銀爲宮闕

蓋公堂前雪綠牕朱戶相

明滅

次公蓋公堂在公宇中先生有記云治新寢於黃堂之北易其弊陋達其蔽塞重門洞開盡城之西

北相望如引繩師曹參爲齊丞相蓋公言治道貴清淨參避正堂舍蓋公密州公宇有蓋公堂

堂中美

人雪爭妍粲然一笑玉齒頰

續郭璞遊仙詩靈妃顧我笑粲然啓玉齒

就中

山堂雪更奇

堯卿山堂亦東武堂名也

青松恠石亂瓊絲

先之禹貢青州厥貢

鈐松恠石

惟有使君遊不歸五更上馬愁斂眉君不見淮西

李常侍夜入蔡州縛取吳元濟

厚唐李愬以散騎常侍為唐鄧節度使襲蔡賊

吳元濟至懸瓠城夜半雪甚賊晏然無一人知之者遂克蔡州而擒元濟

又不見襄陽孟浩

然長安道上騎驢吟雪詩

續或問鄭絳詩思對曰詩思在灞橋雪中驢子上堯卿浩

然有長安道中雪詩

何當閉戶飲美酒無人毀譽河東守

援季布為河東

守孝文時人有言其賢召欲以為御史大夫夫人又言其勇使酒難近至留邸一月見罷布進曰陛下以一人譽召臣以一人毀去臣臣恐天下有識者有以窺陛下也

去杭州十五年復遊西湖用歐陽察判韻

鎮叔按先生文

集及年譜以熙寧四年辛亥除通判杭州以

一月到任至七年甲寅秋移守密州至元祐四年巳巳知杭州自甲寅至巳巳日十五年

我識南屏金鯽魚重來拊檻散齋餘

堯卿南屏寺也俾西湖南屏山興教

寺池有鯽魚十餘尾皆金色道人齋餘爭倚檻投餌為戲
子仁按先生詩話云舊讀蘇子美六和寺詩云松橋待金鯽竟日獨遲留初不喻此語及俸錢塘乃知寺後池中有此魚如金色也昨日復游池上投餅餌久之乃畧出不食復入不可復見今所謂重來拊檻者即此也還從舊社得心印似省前

生覓手書

堯卿公遊壽星院入門便悟嘗有詩云前生我已到杭州又晉羊祜自省前生李氏之子

唐房琯悟前生為永禪師張文定公方平為徐州日遊琅邪山至藏院云前生寫楞伽經未終願再成之皆異

也人對合平湖久蕪漫人經豐歲尚凋疎誰憐寂寞高常

侍老去狂歌憶孟諸

續高適為封丘尉日有詩云我本漁樵孟諸野一生自是悠悠者適

後官至常侍而亡故云高常侍

故周茂叔先生濂溪

坡谿在廬山下浦卿茂叔諱惇實避厚陵奉朝請改名敦

願舂陵人也事見魯直濂溪詩序用中廬山記由江之南出德化門五里至延壽過院五里至

石塘橋漁溪周郎中之隱居周名惇願字茂叔道州人仕宦有才畧

世俗眩名實至人疑有無怒移水中蟹

續晉張華裴頠之被誅也王倫

孫秀以宿憾收解系兄弟梁王彤救系等倫怒曰我於水中見蟹且惡之况此兄弟輕我耶

愛及屋

上鳥

次公尚書大傳曰武王登夏臺以臨殷氏周公旦曰臣聞之愛其人者愛其屋上鳥憎其人者憎其

儲胥老杜詩丈人屋上鳥人好鳥亦好正用此事

坐令此溪水名與先生俱先

生本全德廉退乃一隅因拋彭澤米偶似西山夫

援謂伯夷

也義不食周粟餓死西山楊子云西山之餓夫

遂即世所知以為溪之呼先生

豈我輩造物乃其徒

續莊子與造化者為徒外死生無終始者為友

應同柳州

柳

續子厚為柳州刺史其詩柳州刺史種柳柳江邊

聊使愚溪愚

厚按子厚愚溪對其畧曰

柳子名愚溪而居五日溪之神夜見夢曰子何辱予使予為愚耶有其實者名因從之予固若是耶柳子曰汝

誠無其實然以吾之愚而獨好汝汝惡得遁是名耶

壬寅重九不預會獨遊普門寺僧閣有懷子由

花門酒美盍不歸來看南山冷翠微
憶弟淚如雲不散望鄉心與鴈南飛
明年縱健人應老昨日追歡意正違
不問秋風強吹帽秦人不笑楚人譏

昨見韓丞相言王定國今日玉堂獨坐有懷其人

晝臥玉堂上微風舉輕紈銅餅下碧井
百尺鳴飛瀾俛仰清夢餘愛此一掬寒
似予平生友苦語涼肺肝

續史記商

軼云甘言疾也苦言藥也

秀眉玉兩頰矯矯如翔鸞置之江淮交清

詩洗江湍紅鱗對白酒信美非所安

師王粲登樓賦雖信美而非吾土兮

曾何足以銷憂丞相功業成還家酒杯寬人間有此客厚晉書謝安見

桓溫溫喜言平生談笑竟日安既出溫顧左右曰頗嘗見我有如此客不折簡呼不難續晉史司

馬宣王討王陵凌面縛水次遙謂宣王曰卿直以折簡召我我敢不至而乃引軍來耶王曰以君非折簡客故

耳相將扣東閣援公孫弘為相開東閣以延賢人起舞盡餘歡

林子中以詩寄文與可及余與可既沒追和其韻

斯人所甚厭投畀每不受次公詩投畀豺虎投畀有欲北有北不受投畀有昊

其少須臾奪去惟恐後誰云尸此職次公詩誰其尸之無乃亦

假守賦才有鉅細無異斛與斗胡不安其分但聽物所

誘時來各飛動意合無妍醜坐令雞栖車長載朱伯厚

續後漢朱震字伯厚為州從事奏濟陰太守單匡賊罪并匡兄常侍超三府諺曰車如雞栖馬如狗疾惡如風

朱伯厚平生無一旅既死咤萬口次公五百人為旅左傳有衆一旅言生雖寡徒

而死則共惜也自聞與可亡胸臆生堆阜懸知臨絕意要我一

執手相望五百里安得自其牖遺文付來哲後事待諸

友伶俜嵇紹孤厚晉山濤傳濤字巨源與嵇康善康後坐事臨誅謂子紹曰巨源在汝不孤矣

子仁杜詩瘦男獨伶俜老病孟光偶續後漢梁鴻妻孟光字德耀世人賤目見

爭笑千金帚續魏文帝曰家有弊帚享之千金君詩與楚詞識者當有

取子仁先生祭與可文云孰能為詩與楚詞如與可之婉而清乎但知愛墨竹此嘆吾

已久次公先生嘗作與可墨竹贊云有好其德如好其畫者乎亦如此意也故人多厚祿

任杜詩厚祿故人書斷絕恒飢稚子色淒涼能復哀君否不見林與蘇飢寒

自奔走

和子由澠池懷舊

彥忠按前漢弘農郡澠池縣注景帝中二年初徙萬家爲縣

人生到處知何似應似飛鴻踏雪泥泥上偶然留指爪

鴻飛那復計東西老僧已死成新塔壞壁無由見舊題

次公此兩句緣子由首篇序云昔與子瞻同侍編禮皆宿縣中寺舍題其老僧奉閑之壁而詩云舊宿僧房壁

共題故先生和之云爾

往日崎嶇還記否路長人困蹇驢嘶

往日死馬

於二陵騎驢至澠池厚賈誼弔屈原賦騰駕罷牛驂蹇驢今杜詩東家蹇驢許借我泥滑不敢騎朝天

七月二十四日以久不雨出禱磻溪宿號二十五

日自號渡渭宿於僧舍曾閣閣故魯氏所建也夜

久不寐見壁有前縣令趙薦留名有懷其人

堯卿薦字

賓興皇祐三年鄭獬榜及第臨邛人

龕燈明滅欲三更欹枕無人夢自驚

次公烟花錄戴陳後主詩云午醉醒

來晚無人夢自驚

深谷流風終夜響亂山銜月半牀明故人漸

遠無消息古寺來看姓名欲向蟠溪問姜叟

次公姜叟太公

也呂望本姜姓題所謂禱磻溪也

僕夫屢報斗標傾

宿餘杭法喜寺後綠野亭望吳興諸山懷孫莘老

學士

徙倚秋原上淒涼晚照中水流天不盡人遠思何窮問

謀知秦過

餘鯉始皇所舍舟也續始皇三十七年至錢塘臨浙水波惡乃西百二十里從狹中度即

今餘杭也以其舍舟於此故名援賈誼作過秦論指秦之過失也

看山識禹功

西北有舟枕山

堯時洪水繫舟山上援趙孟觀於洛曰美哉禹功明德遠矣

稻涼初吠蛤柳老半書

蟲

厚漢史蟲食樹葉成文曰公孫病已立

荷背風翻白蓮腮雨退紅追遊

慰遲暮覓句做兒童北望苕溪轉遙怜震澤通

續苕水出天目

山北入太湖乃古震澤也

烹魚得尺素

厚古樂府詞客從遠方來遺我雙鯉魚呼兒烹鯉魚中有

尺素書

好在紫髯翁

次公張遼以紫髯將軍目孫權今辛老多髯又姓孫故用此事

八月十日夜看月有懷子由并崔度賢良

宛丘先生自不飽更笑老崔窮百巧一更相過三更歸

古栢陰中看參昴

次公詩有惟參及昴

去年舉君苜蓿盤夜傾闕

酒赤如丹

安國韻語陽秋云酒有以紅為貴者李賀詩云小槽酒滴真珠紅是也今閩廣間所釀酒

謂之紅酒其色殆類胭脂

今年還看去年月露冷遙知范叔寒

援須賈謂

范睢曰范叔一寒至此乎乃與之綈袍

典衣自種一頃豆

任楊惲詩田彼南山蕪穢不治

種一頃豆落而為箕那知積雪生科斗歸來四壁草蟲鳴不如王

江長飲酒

王江陳州道人

常潤道中有懷錢塘寄述古五首

從來直道不辜身得向西湖兩過春沂上已成曾點服

泮宮初采魯侯芹

續詩泮水頌僖公曰薄采其芹

休驚歲歲年年貌

續劉

希夷詩年年歲歲花相似歲歲年年人不同

且對朝朝暮暮人

援宋玉神女賦朝為行雨

暮為行雨朝朝暮暮陽臺之下

細雨晴時一百六

續荆楚歲時記曰去冬節一百五日即有

疾風甚雨謂之寒食據曆日在清明前二日亦有云去冬至一百六日養源韻語陽秋曰自冬至一百有五至

寒食或謂自冬至至清明凡七炁至寒食止一百三日殊不知曆家以餘分演之也

畫船鼉鼓莫

違民

草長江南鷺亂飛

續南史丘希范書莫春三月江南草長雜花生園羣鷺亂飛

年來

事事與心違

胡嵇康幽憤詩云事與願違迨茲淹留高僧雅鳳詩云多事與心違

花開後

院還空落燕入華堂怪未歸世上功名何日是樽前點

檢幾人非

厚白居易詩樽前百事皆依舊點檢惟無薛秀才

去年柳絮飛時節

記得金籠放雪衣

杭人多以放鴿為太守壽堯卿唐譚賓錄曰天寶中嶺南獻白鸚鵡養之

宮中歲久頗聰慧通曉言詞上及貴妃呼為雪衣此呼鴿為雪衣借用故事也

浮玉山頭日日風

郎金山也若拙劉夢得詩云山頭日日風和雨

湧金門外已

春融

洪父按杭州圖經云湧金門外錢塘縣去縣三里半

二年魚鳥渾相識

次公退之

詩朝遊孤嶼南暮遊孤嶼北所以孤嶼鳥公與盡相識又簡文帝云魚鳥來親人

三月鶯花付

與公剩看新翻眉倒暈

堯卿當時新翻眉樣謂倒暈在橫雲卻月遠山峩眉之外先生

嘗有詩云倒暈眉連秀嶺浮蓋謂此也未應泣別臉消紅堯卿白樂天王昭君詩云滿面

胡沙滿鬢風眉消殘黛臉消紅何人織得相思字續實滔妻蘇氏織錦為回文詩以寄滔

寄與江邊北向鴻續蘇武留匈奴不得歸使者謂單于曰天子射上林得鴈足有繫帛書言

武在某澤之中單于驚遂歸武又月令季冬之月鴈北向

國艷天嬌酒半酣厚李正封詩國色朝酣酒去年同賞寄僧簷但知

撲撲晴香軟誰見森森曉態嚴穀雨共驚無幾日蜜蜂

未許輒先甜次公古有蜂詩云不知辛苦為誰甜應須火急回征棹一片

辭枝可得黏

惠泉山下土如濡陽羨溪頭米勝珠次公惠山泉陽羨米皆常州事賣

劒買牛吾欲老殺雞為黍子來無地偏不信容高蓋續陶

潛詩心遠地自偏次公于公曰可俗儉真堪着腐儒續

高大門閭冷容駟馬高蓋車也高祖嫚罵酈食其曰腐儒為天下安用腐儒莫怪江南苦留滯厚史記太史公留滯周南

經營身計一生迂

捕蝗至浮雲嶺山行疲苦有懷子由第二首

西來烟陣塞空虛灑遍秋田雨不如俚白樂天捕蝗詩始自兩河及三輔

荐食如蠶飛似雨新法清平那有此老身窮苦自招渠無人可

訴烏銜肉厚黃霸為潁川太守欲有所伺察擇廉吏遣行屬令周密吏出不敢舍郵亭食於道傍烏

攫其肉民有詣府言事者適見之道吏後日吏還謁霸霸見迎勞之曰甚苦食於道旁乃為烏所盜肉大驚以

霸具知其起居所有毫釐不敢有所隱憶弟難憑犬寄書續晉陸機有駿犬名黃耳甚愛

之既而羈寓京師久無家問笑語犬曰我家絕無書信汝能賫書取消息否犬搖尾作聲乃為書以竹筒盛之